

15/08/1999

PM tidak tolak kebebasan akhbar

DATUK Seri Dr Mahathir Mohamad tidak pernah menolak kebebasan akhbar, tetapi sentiasa menekan ia harus diamalkan mengikut konteks atau acuan negara membangun seperti Malaysia.

Presiden Persatuan Wartawan Melayu Malaysia (PWMM), Yazid Othman ketika membentangkan kertas kerjanya bertajuk 'Pemikiran Dr Mahathir Dari Perspektif Wartawan' pada Seminar Pemikiran Dr Mahathir, di sini semalam berkata, Dr Mahathir mungkin Perdana Menteri Malaysia yang pertama yang cuba lari daripada pandangan kebebasan akhbar mengikut acuan Barat.

Sehubungan itu, katanya, sikap Dr Mahathir itu menimbulkan kontroversi, ada yang menolak dan menerimanya serta tidak kurang yang membuat kritikan.

"Apa yang pasti pandangan Dr Mahathir mengenai kebebasan akhbar di negara ini supaya mengikut acuan sendiri adalah berdasarkan pengamatan dan pengalaman sepanjang mengikuti perjalanan sistem akhbar di negara ini, di samping layanan yang diterimanya daripada media Barat," katanya.

(END)